

Author ad Ifagogen.

Ehe hin / meine Anfüh-
rung / in die Welt / vnd vnter die
Leute / vnd hilff denen / so zur
Eshnischen Sprache beliebung
tragen / das sie zu dero elben
wissenschaft gelangen / vnd ihrer gebrau-
chen / Gott zu Ehren / ihnen selbst zu zeitlich-
chem vnd ewigem gedeyen / vnd vielen Men-
schen zu nutz vnd frommen / wie du dann vmb
solcher / vnd keiner andern Ursachen willen
von mir abgefertiget wirst.

Ich wil dir aber zuvor sagen / vnd vers-
kündigen / wie es dir gehen werde / vnd was
du wirst zu erwarten haben / auff das du dich
desto besser in die Zeit schicken / darnach rich-
ten / vnd gegen männiglich der gebühr nach
verhalten / vnd bezeigen mögest.

Es werden dir / liebe Anführung / begegs-
nen viele fromme Herzen / die dich mit freu-
den empfangen / annemen / vnd deiner gebrau-
chen werden : Denen selben guten vnd from-
men Herzen soltu dienen / vnd so viel mös-
glich / befürderlich sein / das sie die Eshnische

;) (v Sprac